

Dionis Buban

Ujet nuk shuhem

Jersha

• 1959 •

DIONIS BUBANI

27266

LOTEKAT SHUHEN  
SHUHEN

11505

# YJET NUK SHUHEN

YJET NUK SHUHEN

YJET NUK SHUHEN

YJET NUK SHUHEN

PE-MOSA

PE-MOSA

PE-MOSA

PE-MOSA PE-MOSA PE-MOSA

YJET NUK SHUHEN YJET NUK SHUHEN

TIRANE, 1959

## YJET NUK SHUHEN

**S**hkëlqejnë si dy yje sytë e tu  
në qjellin e pasjonit tonë.  
Vështromë drejt në sy të rri ashtu  
si fushave kur rrnim natën vonë.

Shkrojta për ty të parën poezi,  
të fundin varg për sytë e tu do shkruaj,  
por mos më thuaj kurrë: — «Sytë e mij  
për jetë do shkëlqejnë!» ... mos më thuaj

Shkëlqejnë si dy yje sytë e tu,  
po pse të të gënjej, o zemra ime?  
Një ditë larg, oh kushedi se ku  
do shuhën sytë e lodhur n'ëndërime.

Do shuhën këto yje n'infinit  
si yjet që po treten nëpër erë ...  
Sinqueritë im po të çudit?  
Gjer sot s'të kam gënjer asnjëherë ...

... A të kujtohet kur vështronim ne  
yjet që binin lart në hapësirë?  
Miljarda vjet kalojnë përmbi dhe  
e yjet treten si çelik i shkrirë!

Miljarda vjet kalojnë përmbi dhe  
e yjet shuhën si kandil i zbetë.  
As Perëndia që u lodh në re  
s'i mban të ndezur yjet lart për jetë!

Por ne i ndezëm yjet në Agim,  
e zbukuruam botën në një natë, —  
dhe u habit e Zoti, pa dyshim,  
si nuk u çlodhëm as ditën e shtatë!

I ngjitëm yjet lart, me hap krenar,  
në Univers të ndizen me miljona, —  
yjet e Socializmit fitimtar  
të fluturojnë por si ëndrat tonë . . .

Në qjell do duken yje përsëri,  
do ndizen yje ku çdo yll ka rënë.  
... E dashur, ndoshta nesër un' e ti  
do fluturojmë lart deri në hënë . . .

Sa yje do shikojmë ne atje,  
sa yje mbi raketë dhe flamurë.  
... Por mos harro sa gjak u derdh rrëkë  
që këta yje mos të shuhen kurrë!



# AGIMI YNE

## KUJTIME FËMINIJE

**S**i në vegim kujtoj ditët e para  
kur rri e vështroj yjet n'ëndërime.  
Sa vite po më dalin sot përpara, —  
o vite ju të fëminisë sime,

me trena dhe fabrika dhjetë kate,  
me bulevard, kisha dhe me ura,  
me sheshe, e kalibe dhe pallate,  
me pluhur, me asfalt dhe me vetura,

me parqe dhe me plehra ndër majdane,  
me lypësa kudo e miljonerë,  
me trame, dancig-bare dhe mehane,  
me sazexhinj, me lotë dhe me verë!

O Bukuresht, më del para oborri  
i ngushtë, me një çezmë dhe një hije, —  
atje linda dikur një dit' Shtatori, —  
ti më përkund kujtime miturije!

Dhe prej oborrit dolla në rrugicë  
ku renda i pluhurosur, i dërsitur.  
Si çilimi, në vapë dhe në ngricë  
dhe lulet dhe dëborën kam soditur... .

Pa ngrënë nuk kam fjetur asnjëherë, —  
këpucë blinja shpesh...

... Po për karshi  
mbaj mënd, si sot, dy krisma në pranverë:  
vrau vehten një baba me tre fëmi!

Kudo më kot kish rendur, s'gjente punë  
dhe gruaja e re ish e sëmurë.

As shtatë vjet s'i kisha mbushur unë  
por ktë varrim s'mund ta harroj dot kurre.

Karrocën e tëriqnin katër kuaj, —  
sa britma kam dëgjuar atë ditë.

Me një vështrim të çmëndur e të huaj  
e veja pas qivurit me fëmitë...

Përpara kishës rrinin plot lypsarë,  
të krusur bëlbëzonin si të mpirë.  
Sa zonja miljonerësh që kam parë  
duke u hedhur ndonjë «lei» mëshirë.

Në kishë hynte shpesh ndonjë kokonë  
me dhjetë shërbëtore te shtëpia  
t'i faleshin mëkatet dhe më vonë  
ta merte në parajsë Perëndia...

\* \* \*

Dhe kisha miq të dashur, të pandarë, —  
ndër zemrat tonë një shkëndi u ndez:  
rumunë, polonezë dhe bullgarë,  
dhe shokët më thërrisin «albanez»!

Po! Isha shqipëtar! Dhe Shqipëria  
ish larg, ish larg, tej malesh ish diku...  
Atdhe, s'të kisha parë, por lavdia  
ndër shekuj e dëshmorëve të tu,

betejat dhe fytyra legjendare  
dhe shpata fitimtare e Skënderbeut  
më ngjallën mua ndjenjën kombëtare,  
më ndezën dashurinë e mëmëdheut!

Një mbrëmje Prilli rrugëve bërtiten  
çunakët:

«Po sulmohet Shqipëria».  
Sa shpejt gazetat qosheve u shitën  
me tituj:

«Do zbarkojë Italia»

Ka çaste kur një zemër s'mund të heshtë  
dhe kur e di se ka kudo xhandarë.  
Po bisedonin njerëzit e thjeshtë  
për shqipëtarët trima dhe krenarë.

Ndokush mendonte ndoshta Rumaninë  
me legjonarë dhe me kryq të thyer,  
se dhe Karoli puthte tradhëtinë,  
me gjak puntorësh duart i kish lyer!

Më dukej vehtja sikur ishamplakur...  
Sa e trishtuar ish ajo pranverë!  
Në ato çaste Prilli të përgjakur  
me dëshpërim urrejtja ish përzjerë!

Më kish plakosur dhimbja dhe hutimi, —  
fashistët po pushtonin Shqipërinë.  
Atdheu ishte larg, por Mujo trimi  
vdiste hero! Lart mbante krenarinë!

\* \* \*

Avitej lufta. Topat ishin ngritur,  
po zgjoheshim me drojë çdo agim.  
Avitej lufta! Rrugëve papritur  
sirenat na shqelmonin në strehim.

Dhe maska anti-gaz na kishin dhënë, —  
filloi nga pak kjo fëminija ime  
që të dëgjojë se dikur një nënë  
kish humbur të dy djemtë në luftime.

Rizgjoheshe ndër mënd lufta e parë  
me tankse, zepelina dhe uri.  
Dikur sa nuse burrat kishin qarë,  
sa nëna kishin mbetur pa fëmi!

Dhe më tregonte gjyshja duke qarë  
kur bënte kryqin dhe këmbanat binin:  
— «Ashtu këmbanat binin dhe më parë  
kur natën sillte vdekjen zepelini!»

Ish si një tingull vdekje çdo këmbanë, —  
më mblidhej zemra kuspull, pakuptuar.  
Kur zgjohesha i trembur, gjyshja pranë  
më përkëdhelte flokët e menduar!

\* \* \*

Të pashë, Bukuresht, të fundit herë  
nga larg, një mbrëmje Gushti plot me re.  
Ish nisur treni, ikte por si erë,  
në gjirin tënd më sillte, o atdhe!

Atdhe, atdhe i shtrenjtë! Zemra ime  
po fluturonte dhe më shpejt se treni,  
mbi kodrat dhe lëndinat me burime,  
mbi alpet ku përposh shkëlqen liqeni.

Si dallëndyshe iku më përparrë  
dhe hyri në kasollen varfanjake  
pa zjarr, ku muret kishin plot të çara  
dhe s'kishte misër torba e një plake!

Atdhe, atdhe, të gjeta të plagosur,  
por ballin lart e mbanje ti krenar.  
Nuk të përkuli dot, e handakosur  
sëpata e Liktorit tradhëtar!

Përparrë teje mbeta përmëndore,  
pa folur të vështrova me nderim.  
M'u duk sikur ngadal në krah më more  
dhe më pushtove, o atdheu im,

me qjellin tënd të ëmbël e të pastër,  
me shiun dhe me erën e stuhiçë,  
dhe me pulbardhat por si alabastër,  
me ëndrat dhe me shpresat e rinisë, —

me stanet dhe me delet me këmborë,  
me vatrat dhe mik-pritjen shqipëtare,  
me krojet dhe me kreshtat me dëborë,  
me sulmet e një çete çlirimtare!

Në heshtje i sodita shpesh agimet  
që skuqnin si flamuj Revolucioni.  
Në gjirin tënd më lindën frymëzimet  
dhe njerëzve u thashë: — «Më dëgjoni!»

## NËN MURET E KËSHTJELLËS SHEKULLORE

Nën muret e kështjellës shekullore  
jam shtrirë dhe kam rënë në mendime.  
Çdo mur këtu më flet për një fitore,  
për trimëri, për shpata dhe luftime... .

Prej shekujve dhe gurët janë nxirë  
dhe këmbanorja ra në gjum' të thellë, —  
por bari përsëri simvjet ka mbirë  
dikur siç mbinin lulet në kështjellë.

Shkëlqen në diell Kruja legjendare,  
ullishtat poshtë kodrës hedhin hije...  
Sikur dëgjoj dhe valët bregdetare  
se duket deti-i kaltër me anije.

Dy botë gërshetohen prej lavdisë:  
e shkuara me mbrojtjet heroike,  
e ardhëshmja me sulmet e rinisë,  
me ëndrat e shëtitjeve kozmike!

Lokomotiva Dizël shket e qetë,  
kombajna mbetet pas në mes të grurit,  
çan reaktivi qjellin si shigjetë  
dhe unë rri mbështetur pas një muri..

Më fort e dua vëndin tim plot dritë  
me bjeshka, me liqeji dhe hapësira,  
kur po sodis në heshtje bukuritë  
nën muret e kështjellave të nxira!